

佛
說
明
度
五
十
校
計
經

後漢安息三藏法師安世高譯



清刻龍藏佛說法變相圖

佛說明度五十校計經卷上

絲五

後漢安息三藏法師安世高譯

佛在王舍國法清淨處時自然師子座交絡
帳佛時坐現三十二相光影表現十方諸菩
薩皆來謁問佛菩薩何因緣有癡者有瞋者
有慧者有能飛者有能坐行三昧禪者有能
徹視者有不能飛者有不能坐行禪行三昧
得定意不能久者智慧有厚薄者同菩薩行
何因緣有薄厚同有心意識同眼耳鼻口身
何因緣得行異佛言善哉善哉十方過去佛
現在佛諸當來佛皆說人能計心意識眼耳
鼻口身皆說為同法佛言人能校計六情為
一切得十方佛智慧佛告諸菩薩言諸菩薩
有薄厚諸菩薩問佛何等為薄厚者謂菩
薩行道隨道行深菩薩薄者行道不能悉隨

行謂行有多少隨道少是爲菩薩薄諸菩薩問佛何等爲菩薩常隨道不失行佛言謂菩薩常守心意識令不動歸滅盡種道我謂菩薩能守眼令色不著歸滅盡種道我謂菩薩能守耳令聲不著歸滅盡種道我謂菩薩能守鼻令香不著歸滅盡種道我謂菩薩能守口令味不著歸滅盡種道我謂菩薩能守身令細滑不著歸滅盡種道我謂菩薩如是能守六情得好惡不動常守滅盡是爲厚隨道深菩薩復問佛何等爲菩薩行薄佛言謂菩薩失行有時得行有時不得行有時菩薩能守心意識隨道有時眼不能守便失行不隨道有時守眼不能守耳有時能守耳不能守鼻有時守鼻不能守口有時能守口不能守身有時能守身不能坐禪有時能坐禪不能校

計有時能校計不能行有時能行不能分別有時能分別不能知細輒微意用是故菩薩隨道有失行有得行用是故菩薩行道有薄厚不等菩薩問佛如是當作何等行佛言要菩薩當自行校計當自知修校計不修校計修校計者菩薩爲點不知校計爲癡問曰當校計點當校計癡者云何佛言已校計癡便能校計點佛言人有百八愛令癡欲校計得點者有五十校計知五十校計中細微罪便得點諸菩薩問佛何等爲五十校計佛言五十校計者謂從心本起欲知者第一當校計百八癡第二當校計百八疑第三當校計百八顛倒第四當校計百八欲第五當校計百八墮第六當校計百八愛第七當校計百八裁第八當校計百八識第九當校計百八因

緣著第十當校計百八種是爲十校計佛言
菩薩復有十校計第一當校計百八關生第
二當校計百八止行第三當校計百八斷生
死第四當校計百八滅不滅第五當校計百
八罪入空不見第六當校計百八不捨盡第
七當校計百八不捨淨入淨第八當校計百
八精還戒第九當校計百八進入道第十當
校計百八忍戒是爲菩薩十校計菩薩復有
十校計第一當校計百八辱道第二當校計
百八合道願第三當校計百八本信入道第
四當校計百八出癡入慧第五當校計百八
歡喜滅第六當校計百八未得佛悲第七當
校計百八未得佛愁第八當校計百八未得
佛惱第九當校計百八未得佛經點未得佛
泥洹要第十當校計百八出罪要未得入泥

洹要是爲菩薩十校計佛言菩薩復有十校
計第一當校計百八求入慧出罪法第二當
校計百八求入空法度出空第三當校計百
八罪法初起時空當知滅時歸空第四當校
計百八持空法解盡法第五當校計百八盡
法不復生第六當校計百八當得泥洹長生
不滅第七當校計百八應相念第八當校計
百八捨相念第九當校計百八雜相念當知
雜相第十當校計百八受相長生不滅是爲
菩薩十校計佛言菩薩復有十校計第一當
校計百八十方生死萬物本末成敗第二當
校計百八十方成敗作證第三當校計百八
十方人所有皆癡第四當校計百八牽十方
癡作證第五當校計百八十方阿羅漢泥洹
去無所有作證第六當校計百八牽十方辟

支佛泥洹去作證第七當校計百八牽十方
過去若師泥洹去當牽作證第八當校計百
八十方今現在佛亦當泥洹去今我作釋迦
文佛所主天地自在變化要當復泥洹去若
當牽我用作證第九當校計百八十方當來
佛亦當泥洹去當牽作證第十當校計百八
盡力却貪求佛如我亦當般泥洹去是爲合
菩薩五十校計諸菩薩皆稽首受教諸菩薩
問佛言當校計百八癡從心本起者云何佛
告諸菩薩言若有菩薩心有所念不自知心
生心滅中有五陰中有習不知爲癡轉入意
意有所念不自知意生意滅中有五陰中有
習不自知爲癡轉入識識有所識不自知識
生識滅中有五陰中有習不知爲癡轉入眼
眼見好色不自知著不自知滅中有五陰中

有習不知爲癡眼所見中色不自知著不自
知滅中有五陰中有習不知爲癡眼所見惡
色不自知著不自知滅中有五陰中有習不
知爲癡轉入耳耳聞好聲不自知著不自知
滅中有五陰中有習不知爲癡耳所聞中聲
不自知著不自知滅中有五陰中有習不知
爲癡耳所聞惡聲不自知著不自知滅中有
五陰中有習不知爲癡轉入鼻鼻所聞好香
不自知著不自知滅中有五陰中有習不知
爲癡鼻所聞中香不自知著不自知滅中有
五陰中有習不知爲癡鼻所聞惡臭不自知
著不自知滅中有五陰中有習不知爲癡轉
入口口所得美味好語言不自知著不自知
滅中有五陰中有習不知爲癡口所得中味
中語言不自知著不自知滅中有五陰中有

習不知爲癡口所得惡味惡語言不自知著

然五

五

不自知滅中有五陰中有習不知爲癡轉入身身所得好細軟可身不自知著不自知滅中有五陰中有習不知爲癡身所得中細軟不自知著不自知滅中有五陰中有習不知爲癡身所得惡堅苦痛不可身不自知著不自知滅中有五陰中有習不知爲癡菩薩行道要當數息校計如是菩薩即稽首受行諸菩薩言佛雖爲我說我癡未解諸菩薩問佛言設我知百八癡著知滅滅當爲癡爲點佛報諸菩薩言雖知著知滅續尚癡未解諸菩薩復問佛我未聞佛說數息時癡我聞佛說已知何以故爲癡佛告諸菩薩譬喻如新學菩薩未能飛但耳聞十方佛欲願往要未能飛如是爲見十方佛未諸菩薩報言如是爲

但有願要爲不見十方佛佛告諸菩薩言若曹今雖聞我說百八癡著滅譬如新學菩薩但願欲到十方佛國不能飛往佛復問諸菩薩言新學菩薩何以故願到十方佛國不能飛往諸菩薩報佛言用不能壞癡未滅罪故未能飛行至十方佛國佛言譬喻諸菩薩但能說著說滅但說不行名爲癡諸菩薩問佛何從當得點佛告諸菩薩言所著爲癡要當滅不著乃爲不癡要未爲點諸菩薩問佛言何以故復未爲點佛告諸菩薩言復有百八疑不解故諸菩薩問佛言何等爲百八疑佛言菩薩不自知心生心滅中有五陰中有習不知爲疑不自知意生意滅中有五陰中有習不知爲疑不自知識生識滅中有五陰中有習不知爲疑轉入眼眼所見好色不自知

然五

六

生滅中有五陰中有習不知爲疑眼所見中
色不自知生滅中有五陰中有習不知爲疑
眼所見惡色不自知生滅中有五陰中有習
不知爲疑轉入耳耳所聞好聲不自知生滅
中有五陰中有習不知爲疑耳所聞中聲不
自知生滅中有五陰中有習不知爲疑耳所
聞惡聲不自知生滅中有五陰中有習不知
爲疑轉入鼻鼻所聞好香不自知生滅中有
五陰中有習不知爲疑鼻所聞中香不自知
生滅中有五陰中有習不知爲疑鼻所聞惡
臭不自知生滅中有五陰中有習不知爲
疑轉入口口所得美味好語言不自知生滅
中有五陰中有習不知爲疑口所得中味中
語言不自知生滅中有五陰中有習不知爲
疑口所得惡味惡語言不自知生滅中有五

陰中有習不知爲疑轉入身身所得好細軟
可身不自知生滅中有五陰中有習不知爲
疑身所得中細軟不自知生滅中有五陰中
有習不知爲疑身所得惡麤堅苦痛不可身
不自知生滅中有五陰中有習不知爲疑佛
言菩薩不去是未應爲菩薩諸菩薩問佛何
以故不應爲菩薩佛言用不行爲安般守意
不校計百八顛倒故諸菩薩問佛何等爲百
八顛倒佛言謂菩薩心所多念爲生死罪中
有五陰中有習自言我無罪如是生死無數
劫爲顛倒轉作意意所多念生死罪中有五
陰中有習自言我無罪如是生死無數劫顛
倒意轉作識識所多識生死罪中有五陰中
有習自言我無罪如是生死無數劫爲顛倒
轉入眼眼所多視好色生死罪中有五陰中

有習自言我無罪如是生死無數劫爲顛倒
眼多視中色生死罪中有五陰中有習自言
我無罪如是生死無數劫爲顛倒眼所多視
惡色生死罪中有五陰中有習自言我無罪
如是生死無數劫爲顛倒轉入耳耳所多聞
好聲生死罪中有五陰中有習自言我無罪
如是生死無數劫爲顛倒耳所多聞中聲生
死罪中有五陰中有習自言我無罪如是生
死無數劫爲顛倒耳多所聞惡聲生死罪中
有五陰中有習自言我無罪如是生死無數
劫是爲顛倒轉入鼻鼻所多聞好香生死罪
中有五陰中有習自言我無罪如是生死無
數劫是爲顛倒鼻所多聞中香生死罪中有
五陰中有習自言我無罪如是生死無數劫
是爲顛倒鼻所多聞惡臭生死罪中有五陰

中有習自言我無罪如是生死無數劫是爲
顛倒轉入口口所多得美味好語言生死罪
中有五陰中有習自言我無罪如是生死無
數劫是爲顛倒口所多得中味中語言生死
罪中有五陰中有習自言我無罪如是生死
無數劫是爲顛倒口所多得惡味惡語言生
死罪中有五陰中有習自言我無罪如是生
死無數劫是爲顛倒轉入身身所多得好細
軟可身生死罪中有五陰中有習自言我無
罪如是生死無數劫是爲顛倒身所多得中
細軟生死罪中有五陰中有習自言我無罪
如是生死無數劫是爲顛倒身所多得惡麤
堅苦痛不可身生死罪中有五陰中有習自
言我無罪如是生死無數劫是爲顛倒佛言
是爲百八顛倒如是菩薩爲不解諸菩薩報

佛言我雖生死顛倒我欲依經法度人佛問諸菩薩言汝度人欲求人作何等道諸菩薩報佛言我欲使人悉得佛道佛言若曹輩衆多何以故不自取佛但羣輩相隨諸菩薩言我雖相隨不離經行佛問諸菩薩言若曹輩寧能一日俱得佛不諸菩薩報佛言我不能俱得佛佛問諸菩薩何以故諸菩薩報佛言我輩中有相未具者我曹輩中有功德未滿者我曹輩中有生死罪未盡者佛告諸菩薩若曹輩有相未具者有功德未滿者有罪未盡者如若曹言相未具者自不能得佛何能使他人得佛若曹功德未滿者不能自得佛何能使他人得佛佛言若曹生死罪意未盡不能自得佛何能使他人得佛諸菩薩皆稽首慚愧諸菩薩復問佛言如是我何因緣

然五

九

不得佛佛報諸菩薩言若曹坐不行安般若守意校計百八欲欲不捨故諸菩薩言行安般守意校計捨百八欲欲者云何佛報諸菩薩言若曹心所念念復念爲欲欲中有五陰中有習是爲欲欲轉入意意復念爲欲欲中有五陰中有習爲欲欲轉入識識爲欲欲中有五陰中有習爲欲欲轉入眼眼所見好色爲欲欲中有五陰中有習爲欲欲眼所見中色爲欲欲中有五陰中有習爲欲欲眼所見惡色爲欲欲中有五陰中有習爲欲欲轉入耳耳所聞好聲爲欲欲中有五陰中有習爲欲欲耳所聞中聲爲欲欲中有五陰中有習爲欲欲耳所聞惡聲爲欲欲中有五陰中有習爲欲欲轉入鼻鼻所聞好香爲欲欲中有五陰中有習爲欲欲鼻所聞中香爲欲欲中

有五陰中有習爲欲欲鼻所聞惡臭爲欲欲
中有五陰中有習爲欲欲轉入口口所得美
味語言爲欲欲中有五陰中有習爲欲欲口
所得中味語言爲欲欲中有五陰中有習爲
欲欲口所得惡味惡語言爲欲欲中有五陰
中有習爲欲欲轉入身身所得好細軟可身
爲欲欲中有五陰中有習爲欲欲身所得中
細軟可身爲欲欲中有五陰中有習爲欲欲
身所得惡麤堅苦痛不可身爲欲欲中有五
陰中有習爲欲欲佛言諸菩薩若曹但坐不
解欲欲諸菩薩報佛言我曹無有欲欲佛問
諸菩薩若曹欲求佛度十方人不諸菩薩言
然我曹欲求佛度十方人佛報諸菩薩言如
是爲欲欲何以故言無欲佛問諸菩薩若意
寧念十方勤苦人不諸菩薩言然我曹念勤

苦人佛言若念諸勤苦人爲欲欲何以故言
無欲佛問諸菩薩言若曹至十方佛所問經
若念爲忘不諸菩薩報言我所問經我皆識
不忘佛問諸菩薩汝識十方佛說經寧傳爲
人說經不諸菩薩言然我日行爲人說經佛
言若爲人說經寧欲使人解不諸菩薩言然
欲使人解佛言如若爲人說經爲欲使人解
如是爲欲欲何以故言無欲佛復問菩薩若
爲人說經寧教人布施不諸菩薩言然我曹
教人布施佛問諸菩薩若教人布施持何等
與佛諸菩薩報言我第一欲使人持好色華
佛言汝曹不欲色何以故使人持五色好華
可眼與佛如是汝爲欲色何以故言我曹不
欲色佛復問諸菩薩若寧聞十方佛說經爲
可耳不諸菩薩報言十方佛爲我說經可耳

我曹皆歡喜佛言如汝聞經歡喜爲欲何以故言無欲佛復問諸菩薩言若欲教人爲佛燒香不諸菩薩報佛我日自行採衆華名香持用上佛佛言如法行採衆華香欲得可鼻持行上佛佛言如若欲得香華可鼻如是爲欲何以故言無欲佛復問諸菩薩言若曹爲人說經寧欲可口欲使人意解佛言如若可口爲欲何以故言不欲佛復問諸菩薩言汝寧欲具三十二相可身不諸菩薩言我勤苦具相但欲可身耳佛言如若可身爲欲何以故言不欲諸菩薩稽首各自慙佛言如是菩薩尚未有所怙諸菩薩稽首言願佛哀我當爲說佛因爲說行菩薩道若數息行禪若自怙定意當校計百八墮滅者應禪不滅者不應

禪諸菩薩問佛言禪爲棄惡百八墮滅者爲棄惡不滅者不爲棄惡若從禪覺起若行步坐起得因緣爲人說經所見萬物能自校計百八墮能使不著能使不墮罪是爲菩薩校計行諸菩薩問佛言校計百八墮當從何所起佛告諸菩薩校計百八墮者菩薩心所念中有五陰中有習是爲墮心轉作意中有五陰中有習是爲墮意轉作識中有五陰中有習是爲墮轉入眼眼所見好色中有五陰中有習是爲墮眼所見中色中有五陰中有習是爲墮眼見惡色中有五陰中有習是爲墮轉入耳耳所聞好聲中有五陰中有習是爲墮耳所聞中聲中有五陰中有習是爲墮耳所聞惡聲中有五陰中有習是爲墮轉入鼻鼻所聞好香中有五陰中有習是爲墮鼻所

絲五

十二

聞中香中有五陰中有習是爲墮鼻所聞惡
臭中有五陰中有習是爲墮轉入口口所得
美味好語言中有五陰中有習是爲墮口所
得中味中語言中有五陰中有習是爲墮口
所得惡味語言中有五陰中有習是爲墮轉
入身身所得好細軟可身中有五陰中有習
是爲墮身所得中細軟中有五陰中有習是
爲墮身所得惡羸堅苦痛不可身中有五陰
中有習是爲墮是爲百八墮行佛告諸菩薩
言校計百八墮不自知墮罪苦痛當在後亦
不知羞慙自說言能斷百八墮道行佛言是
人譬如姪洸妬女上頭姪洸自可已妊身不
知胞胎兒在腹中日大幾所姪洸妬女爲復
姪洸自可至兒成就十月當生兒當轉未轉
當生未生其母腹痛自慙自悔當墮痛時妬

女啼聲聞第七天兒生已後其母痛愈便復
念姪洸便不念慙不念痛便復姪洸如故如
是苦不可言妬女亦不能自覺苦痛佛言菩
薩行道不校計百八墮譬如姪洸妬女不自
知罪多少亦不厭苦痛亦不自校計還慙罪
不知生死五道苦痛不自知墮三惡道不自
慙行言我墮道如是世世自受殃還自慙愧
無有我學道弟子諦學是諸菩薩皆歡喜稽
首受行佛言菩薩如是尚未應爲解諸菩薩
問佛言何以故爲未解佛言謂菩薩不能校
計百八愛故諸菩薩問佛校計百八愛者云
何佛言菩薩行禪不能一意一心令滅但坐
著百八故一者菩薩心有所念不能滅爲愛
中有五陰中有習是爲愛心轉作意不能滅
爲愛中有五陰中有習是爲愛意轉作識不

能滅爲愛中有五陰中有習是爲愛轉入眼
眼所見好色不能滅爲愛中有五陰中有習
是爲愛眼所見中色不能滅爲愛中有五陰
中有習是爲愛眼所見惡色不能滅爲愛中
有五陰中有習是爲愛轉入耳耳所聞好聲
不能滅爲愛中有五陰中有習是爲愛耳所
聞中聲不能滅是爲愛中有五陰中有習是
爲愛耳所聞惡聲不能滅爲愛中有五陰中
有習是爲愛轉入鼻鼻所聞好香不能滅爲
愛中有五陰中有習是爲愛鼻所聞中香不
能滅爲愛中有五陰中有習是爲愛鼻所聞
惡臭不能滅爲愛中有五陰中有習是爲愛
轉入口口所得美味好語言不能滅爲愛中
有五陰中有習是爲愛口所得中味中語言
不能滅爲愛中有五陰中有習是爲愛口所

得惡味惡語言不能滅爲愛中有五陰中有
習是爲愛轉入身身所得好細軟可身不能
滅爲愛中有五陰中有習是爲愛身所得中
細軟不能滅爲愛中有五陰中有習是爲愛
身所得惡麤堅苦痛癢不可身不能滅爲愛
中有五陰中有習是爲愛佛言菩薩行道不
校計却百八愛不自知百八愛墮罪譬如新
生小兒從小至大不能自知日增幾所大菩
薩行道不能覺罪多少譬如若菩薩行道
覺百八愛墮罪便當自慙便當自斷便當自
離便當自滅如是愛斷爲應菩薩佛說如是
諸菩薩皆稽首受行佛言菩薩行道當校計
百八裁行道不校計百八裁不應爲菩薩行
去裁者乃應菩薩行諸菩薩問佛言當去裁
者云何佛告諸菩薩言菩薩獨處一處當坐

行禪數息相隨止觀還淨得淨爲除裁不淨者爲不除裁如是從禪起若在人中當行校計當斷去裁諸菩薩問佛言當校計去裁者云何佛言行道不得一心定意爲不滅裁佛言不得一心定意者心有所念中有五陰中有習便生裁轉入意意中有五陰中有習便生裁轉入識識中有五陰中有習便生裁轉入眼眼見好色中有五陰中有習便生裁眼所見中色中有五陰中有習便生裁眼所見惡色中有五陰中有習便生裁轉入耳耳所聞好聲中有五陰中有習便生裁耳所聞聲中有五陰中有習便生裁耳所聞惡聲中有五陰中有習便生裁轉入鼻鼻所聞好香中有五陰中有習便生裁鼻所聞中香中有五陰中有習便生裁鼻所聞惡臭中有五陰

卷五

十五

中有習便生裁轉入口口所得美味好語言中有五陰中有習便生裁口所得中味中語言中有五陰中有習便生裁口所得惡味惡語言中有五陰中有習便生裁轉入身身所得好細軟可身中有五陰中有習便生裁身所得中細軟中有五陰中有習便生裁身所得惡羸堅苦痛不可身中有五陰中有習便生裁如是爲裁不斷佛言若有菩薩行道言我無是裁如是爲貢高爲自種裁便不能自度脫便無有點意不能知裁罪多少譬如身生毛其人亦不能自校計一一數不能自知毛多少諸菩薩行道不能自知陰罪反言我求佛道欲度十方如是尚不能自度何能度十方菩薩行道能去裁者便能度十方不去裁便不能度十方佛說如是諸菩薩皆歡喜

受行佛言如是菩薩尚未應解諸菩薩復稽
首言如是未解願佛爲我解佛言菩薩有百
八罪識不滅者不應爲菩薩諸菩薩問佛言
何等爲百八罪識佛言諸菩薩心所念爲罪
中有五陰中有習爲識是爲罪識轉入意意
念復念爲罪中有五陰中有習爲識是爲罪
識轉入識識所念不忘爲罪中有五陰中有
習爲識是爲罪識轉入眼眼所見好色爲非
中有五陰中有習爲識是爲罪識眼所見中
色爲罪中有五陰中有習爲識是爲罪識眼
所見惡色爲罪中有五陰中有習爲識是爲
罪識轉入耳耳所聞好聲爲罪中有五陰中
有習爲識是爲罪識耳所聞中聲爲罪中有
五陰中有習爲識是爲罪識耳所聞惡聲爲
罪中有五陰中有習爲識是爲罪識轉入鼻

鼻所聞好香爲罪中有五陰中有習爲識是
爲罪識鼻所聞中香爲罪中有五陰中有習
爲識是爲罪識鼻所聞惡臭爲罪中有五陰
中有習爲識是爲罪識轉入口口所得美味
好語言爲罪中有五陰中有習爲識是爲罪
識口所得中味中語言爲罪中有五陰中有
習爲識是爲罪識口所得惡味惡語言爲罪
中有五陰中有習爲識是爲罪識轉入身身
所得好細軟可身爲罪中有五陰中有習爲
識是爲罪識身所得中細軟爲罪中有五陰
中有習爲識是爲罪識身所得惡麤堅苦痛
不可身爲罪中有五陰中有習爲識是爲罪
識佛問諸菩薩若曹有是罪不諸菩薩言我
但有五陰無有罪佛復問諸菩薩言天下何
等爲使人有罪不得道者諸菩薩報佛言天

下人皆坐貪不得道佛言天下人貪生死爲有五陰習不諸菩薩言有罪佛問諸菩薩言若曹持見身取佛當復生死諸菩薩報佛言我曹當復生死不從是見在身得佛佛問諸菩薩若曹要當更幾生死當得佛諸菩薩報佛言我曹生死尚未有要佛復問諸菩薩何以故無有要諸菩薩言我不知罪福多少用是故我不知要佛告諸菩薩如是若曹與天下人有何等異諸菩薩報佛言我能飛到十方佛國我能曉佛所語佛言若曹能飛到十方佛國能曉十方佛所語若曹何以不應時取佛何以故復生死要諸菩薩報佛言我曹尚有大罪未盡故用本願功德未滿故用是故我曹不應時得佛佛言若曹言天下人但坐五陰生死習故有罪今若曹亦當復生

死習有罪若曹何以故語我言無罪諸菩薩皆慙稽首受行佛言我雖說是菩薩尚未解諸菩薩稽首言願佛當復爲我解佛言菩薩有百八因緣著痛諸菩薩問佛何等爲百八因緣著痛佛言菩薩心有所念爲因緣著痛中有五陰中有習當坐因緣生死痛轉入意意所有念爲因緣著痛中有五陰中有習當坐因緣生死痛轉入識識有所識爲因緣著痛中有五陰中有習當坐因緣生死痛轉入眼眼所見好色爲因緣著痛中有五陰中有習當坐因緣生死痛眼所見中色爲因緣著痛中有五陰中有習當坐因緣生死痛眼所見惡色爲因緣著痛中有五陰中有習當坐因緣生死痛轉入耳耳聞好聲爲因緣著痛中有五陰中有習當坐因緣生死痛耳所聞

中聲爲因緣著痛中有五陰中有習當坐因緣生死痛耳所聞惡聲爲因緣著痛中有五陰中有習當坐因緣生死痛轉入鼻鼻所聞好香爲因緣著痛中有五陰中有習當坐因緣生死痛鼻所聞中香爲因緣著痛中有五陰中有習當坐因緣生死痛鼻所聞惡臭爲因緣著痛中有五陰中有習當坐因緣生死痛轉入口口所得美味好語言爲因緣著痛中有五陰中有習當坐因緣生死痛口所得中味中語言爲因緣著痛中有五陰中有習當坐因緣生死痛口所得惡味惡語言爲因緣著痛中有五陰中有習當坐因緣生死痛轉入身身所得好細軟可身爲因緣著痛中有五陰中有習當坐因緣生死痛身所得中細軟爲因緣著痛中有五陰中有習當坐因

緣生死痛身所得惡羸堅苦痛不可身爲因緣著痛中有五陰中有習當坐因緣生死痛佛言諸菩薩尚未厭因緣生死痛諸菩薩言我用厭因緣生死痛故作菩薩耳佛言汝曹厭生死痛何以故不種道哉何以故種因緣生死痛罪罪五諸菩薩報佛言我日種道哉佛言如若種道哉何以故有因緣生死百八痛諸菩薩即慙稽首受行諸菩薩皆稽首問佛言佛雖爲我說經我不解是佛言我見若曹種百八痛我知汝曹不解諸菩薩復稽首言願佛爲我解佛言菩薩心有所念欲得心不能以時得坐痛中有五陰中有習是爲種痛轉入意意有所念復念可意不可意爲種痛中有五陰中有習是爲種痛轉入識識有所識不可我爲痛中有五陰中有習是爲種

痛轉入眼眼所見好色爲痛中有五陰中有
習是爲種痛眼所見中色爲痛中有五陰中
有習是爲種痛眼所見惡色爲痛中有五陰
中有習是爲種痛轉入耳耳所聞好聲爲痛
中有五陰中有習是爲種痛耳所聞中聲爲
痛中有五陰中有習是爲種痛耳所聞惡聲
爲痛中有五陰中有習是爲種痛轉入鼻鼻
所聞好香爲痛中有五陰中有習是爲種痛
鼻所聞中香爲痛中有五陰中有習是爲種
痛鼻所聞惡臭爲痛中有五陰中有習是爲
種痛轉入口口所得美味好語言爲痛中有
五陰中有習是爲種痛口所得中味中語言
爲痛中有五陰中有習是爲種痛口所得惡
味惡語言爲種痛中有五陰中有習是爲種
痛轉入身身所得細軟可身爲痛中有五陰

中有習是爲種痛身所得中細軟爲痛中有
五陰中有習是爲種痛身所得惡麤堅苦痛
不可身爲痛中有五陰中有習是爲種痛佛
言菩薩斷是百八痛乃應爲菩薩行不斷痛
者不應爲菩薩行是爲菩薩十校計佛言諸
菩薩如是尚未解當復校計諸菩薩問佛當
復校計何等佛言菩薩當校計百八關生諸
菩薩問佛何等爲百八關生佛言菩薩心所
貫痛癢思想生死識中有五陰中有習是爲
貫生佛言關心不使入痛癢思想生死識便
無五陰無有習佛言開五陰習令心不動爲
斷生死痛關者爲貫地水火風空痛癢思想
生死識中有五陰中有習是爲貫生關意便
不動不受地水火風空痛癢思想生死識中
有五陰中有習是爲貫生關意便不動不受

地水火風空痛癢思想生死識不受五陰習
不關者墮罪關意不動者墮道是爲關生轉
入識識亦貫地水火風空色痛癢思想生死
識便有五陰習便貫生死不關者墮生死痛
關者爲墮道不爲生死轉入眼眼所貫好色
中有五陰中有習是爲貫生死關令不動者
墮道不關者墮罪眼所貫中色中有五陰中
有習是爲貫生死關令不動者墮道不關者
墮罪眼所貫惡色中有五陰中有習是爲貫
生死關令不動者墮道不關者墮罪轉入耳
耳所貫好聲中有五陰中有習是爲貫生死
關令不動者墮道不關者墮罪耳所貫中聲
中有五陰中有習是爲貫生死關令不動者
墮道不關者墮罪耳所聞惡聲中有五陰中
有習是爲貫生死關令不動者墮道不關者

然五

三十一

墮罪轉入鼻鼻所貫好香中有五陰中有習
是爲貫生死關令不動者墮道不關者墮罪
鼻所貫中香中有五陰中有習是爲貫生死
關令不動者墮道不關者墮罪鼻所貫惡臭
中有五陰中有習是爲貫生死關令不動者
墮道不關者墮罪轉入口口所貫美味好語
言中有五陰中有習是爲貫生死關令不動
者墮道不關者墮罪口所貫中味中語言中
有五陰中有習是爲貫生死關令不動者墮
道不關者墮罪口所貫惡味惡語言中有五
陰中有習是爲貫生死關令不動者墮道不
關者墮罪轉入身身所貫好細軟可身中有
五陰中有習是爲貫生死關令不動者墮道
不關者墮罪身所貫中細軟中有五陰中有
習是爲貫生死關令不動者墮道不關者墮

罪身所貫惡麤堅苦痛不可身中有五陰中有習是爲貫生死關令不動者墮道不關者墮罪佛言菩薩行要當關令不動動者爲未解諸菩薩報佛言我曹當坐禪令不動佛問諸菩薩言禪已復動不諸菩薩報佛言禪覺復動佛問諸菩薩何以故復動諸菩薩言自然動佛問諸菩薩何以故自然動諸菩薩言我不解不知從何因緣動佛言如是諸菩薩尚未解諸菩薩言願佛當復爲我解佛言菩薩所以禪自然動覺者菩薩有百八關生動不動不止故佛說如是諸菩薩皆稽首受行佛言菩薩如是尚未應解諸菩薩言何以故復未解佛言但坐菩薩有本不止守百八行故諸菩薩皆稽首言願佛當復爲我解說佛言菩薩心本多所念不止守故心本罪百八

然五

三十二

行轉入意意本多所念不止守故意本罪百八行轉入識識本多所念不止守故識本罪百八行轉入眼眼本多所見好色不止守故眼本罪百八行眼本多所見中色不止守故眼本罪百八行眼本多所見惡色不止守故眼本罪百八行轉入耳耳本多所聞好聲不止守故耳本罪百八行耳本多所聞中聲不止守故耳本罪百八行耳本多所聞惡聲不止守故耳本罪百八行轉入鼻鼻本多所聞好香不止守故鼻本罪百八行鼻本多所聞中香不止守故鼻本罪百八行鼻本多所聞惡臭不止守故鼻本罪百八行轉入口口本多所得美味好語言不止守故口本罪百八行口本多所得中味中語言不止守故口本罪百八行口本所得惡味惡語言不止守故

然五

三十三

口本罪百八行轉入身身本多所得好細輒
可身不止守故身本罪百八行身本多所得
中細輒不止守故身本罪百八行身本多所
得惡麤堅苦痛不可身不止守故身本罪百
八行佛說如是諸菩薩皆歡喜受行

佛說明度五十校計經卷上

音釋

黠胡八切 怙胡古切 妊汝陽切 妬當故切
胞班交切 校古孝切 姤當故切
胎衣也 計量也 嫉妬也

佛說明度五十校計經卷下

絲六

後漢安息三藏法師安世高譯

佛言菩薩坐禪數息不得定意得定意不久
但坐不斷本罪故使禪不安菩薩自言我何
因緣本罪不斷佛言用菩薩坐不校計斷生
死故令本罪不斷然六佛言欲斷本罪者當斷當
來生死意當滅本罪生死意諸菩薩問佛言
何等當斷當來生死意當滅本罪生死意佛
言心所動爲本罪轉得因緣爲當來生死罪
要當斷當來生死乃應菩薩諸菩薩皆稽首
言願佛當復爲我解當來生死罪佛告諸菩
薩心所動得因緣合中有盛百八生死菩薩
要當斷是盛百八生死菩薩意所動得因緣
不能遠意中有盛百八生死菩薩要當斷是
盛百八生死菩薩爲本識動復欲識中有盛

百八生死菩薩要當斷是盛百八生死轉入
眼菩薩眼所見好色爲本好色動欲分別中
有盛百八生死菩薩要當斷是盛百八生死
眼所見中色爲本中色動欲分別中有盛百
八生死菩薩要當斷是盛百八生死眼所見
惡色爲本惡色動欲分別中有盛百八生死
菩薩要當斷是盛百八生死轉入耳菩薩所
聞好聲爲本好聲動欲分別中有盛百八生
死菩薩要當斷是盛百八生死耳所聞中聲
爲本中聲動欲分別中有盛百八生死菩薩
要當斷是盛百八生死耳所聞惡聲爲本惡
聲動欲分別中有盛百八生死菩薩要當斷
是盛百八生死轉入鼻鼻所聞好香爲本好
香動欲分別中有盛百八生死菩薩要當斷
是盛百八生死鼻所聞中香爲本中香動欲

分別中有盛百八生死菩薩要當斷是盛百八生死鼻所聞惡臭爲本惡臭動欲分別中有盛百八生死菩薩要當斷是盛百八生死轉入口菩薩口所得美味好語言爲本美味好語言動欲分別中有盛百八生死菩薩要當斷是盛百八生死口所得中味中語言爲本中味中語言動欲分別中有盛百八生死菩薩要當斷是盛百八生死口所得惡味惡語言爲本惡味惡語言動欲分別中有盛百八生死菩薩要當斷是盛百八生死轉入身身所得好細軟可身爲本細軟動欲分別中有盛百八生死菩薩要當斷是盛百八生死身所得中細軟爲本中細軟動欲分別中有盛百八生死菩薩要當斷是盛百八生死身所得惡麤堅苦痛不可身爲本惡麤堅苦痛

不可身動欲分別中有盛百八生死菩薩要當斷是盛百八生死佛言菩薩要當斷是乃應菩薩不斷者不應爲菩薩如是尚未解諸菩薩報佛言我已解因緣諸菩薩言我聞佛所說我一切不墮罪中佛問諸菩薩汝寧見菩薩髡頭剃鬚作沙門者不諸菩薩言然見作沙門佛問諸菩薩沙門當髡頭剃鬚時沙門頭髮了盡賜不諸菩薩言盡賜佛言當盡賜時沙門寧願復欲使頭髮生不諸菩薩言沙門不願使生佛問諸菩薩頭髮何以故復生諸菩薩言自然生沙門亦不使生佛言沙門頭髮髮生寧能自知日長幾分諸菩薩報佛言沙門頭髮生不能自知日長幾分佛言菩薩不能自覺微盛百八罪行譬如沙門自有頭髮生不知日長幾分如是菩薩罪坐

不能自知言我無罪者云何佛問諸菩薩寧有是無諸菩薩即稽首慙愧受行諸菩薩報佛言願佛當復爲我解佛言菩薩不可自怙言我無罪罪滅佛言要校計百八本罪滅不滅菩薩問佛何等爲百八本罪滅不滅佛言菩薩心生轉便滅滅中有百八後世當復生受不滅轉入意意生轉復滅滅中有百八後世當復生受不滅轉入識識生復滅滅中有百八後世當復生受不滅轉入眼眼所見好色生轉便滅滅中有百八後世當復生受不滅眼所見中色生轉便滅滅中有百八後世當復生受不滅眼所見惡色生轉便滅滅中有百八後世當復生受不滅轉入耳耳所聞好聲生轉便滅滅中有百八後世當復生受不滅耳所聞中聲生轉便滅滅中有百八後

世當復生受不滅耳所聞惡聲生轉便滅滅中有百八後世當復生受不滅轉入鼻鼻所聞好香生轉便滅滅中有百八後世當復生受不滅鼻所聞中香生轉便滅滅中有百八後世當復生受不滅鼻所聞惡臭生轉便滅滅中有百八後世當復生受不滅轉入口口所得美味好語言生轉便滅滅中有百八後世當復生受不滅口所得中味中語言生轉便滅滅中有百八後世當復生受不滅口所得惡味惡語言生轉便滅滅中有百八後世當復生受不滅轉入身身所得好細軟可身生轉便滅滅中有百八後世當復生受不滅身所得中細軟生轉便滅滅中有百八後世當復生受不滅身所得惡麤堅苦痛不可身生轉便滅滅中有百八後世當復生受不滅

菩薩言我何以故罪生復滅何以故我了不見佛問諸菩薩汝曹心寧轉不諸菩薩報佛言我心轉生設我心不轉生亦不能與佛共語佛問諸菩薩言若心生時寧還自覺心生不諸菩薩言我但識見因緣時不覺初起生時佛言如汝所說尚不能知心初生時何能無罪佛說如是諸菩薩皆慚稽首受行諸菩薩報佛言爲我解微大促願佛更復爲我解佛問諸菩薩言汝曹生以來寧能覺身中溫熱有幾所火覺身中寒寒有幾所風合身中有幾所水諸菩薩言我不能還自具分別知多少佛言若不知多少寧知寒熱爲水火不諸菩薩報佛言我知寒熱有水火佛言汝尚知寒熱水火何以故不知多少諸菩薩言我但能覺寒熱不能知多少佛言菩薩不自覺

卷六

五

心生正受罪百八罪多少譬如不覺寒熱水火不知火生以來多少菩薩不自知心轉生以來多少如是菩薩但能覺枝不能覺根如是菩薩罪入空中尚未解諸菩薩皆稽首問佛願更爲我解罪入空中佛言菩薩有百八罪入空中不可見何等爲百八罪若菩薩心有所念生空中復滅空中中有百八罪不可見心生滅譬如人語有聲不可見要爲有聲在空中但不可見轉入意意生空中復滅空中中有百八罪不可見轉入識識生空中復滅空中中有百八罪不可見轉入眼眼所見好色生空中復滅空中中有百八罪不可見眼所見中色生空中復滅空中中有百八罪不可見眼所見惡色生空中復滅空中中有百八罪不可見轉入耳耳所聞好聲生空中

復滅空中中有百八罪不可見耳所聞中聲
生空中復滅空中中有百八罪不可見耳所
聞惡聲生空中復滅空中中有百八罪不可
見轉入鼻鼻所聞好香生空中復滅空中中
有百八罪不可見鼻所聞中香生空中復滅
空中中有百八罪不可見鼻所聞惡臭生空
中復滅空中中有百八罪不可見轉入口口
所得美味好語言生空中復滅空中中有百
八罪不可見口所得中味中語言生空中復
滅空中中有百八罪不可見口所得惡味惡
語言生空中復滅空中中有百八罪不可見
轉入身身所得好細軟可身生空中復滅空
中中有百八罪不可見身所得中細軟生空
中復滅空中中有百八罪不可見身所得惡
麤堅苦痛不可身生空中復滅空中中有百

然六

六

八罪不可見佛告諸菩薩若不見罪生空中
亦不見復滅空中如是諸菩薩尚未應解諸
菩薩言如是我爲覺知解佛問諸菩薩若何
因緣覺知諸菩薩言坐禪棄罪便不復有念
佛言諸菩薩何以故不常坐禪何以故復飛
行到十方佛所菩薩言用我有本願故不得
不行耳佛言如有本願到十方佛所何因
緣坐禪棄罪設令汝坐禪棄罪本願當滅諸
菩薩言我坐禪但滅當來罪耳我未滅本願
罪佛問諸菩薩若曹從無數劫以來所作過
去生死罪當滅不諸菩薩言我當滅過去無
數劫本罪佛言若尚能滅無數劫本罪何以
故獨不滅本願罪諸菩薩言佛問我是不
能卒解佛言如是若曹爲未解何以故言我
解諸菩薩皆稽首慙受行諸菩薩報佛言佛

雖爲我解我尚未解願佛當復爲我解當復何等行佛言諸菩薩行道無數劫以來憶生死本願譬如實種著土中生大樹已成大樹樹上生百種億億枝枝生億億萬葉枝枝生億億萬實一實者當復轉生一樹菩薩坐註六禪棄我本罪譬如取樹葉一一滅之取實一一滅之便不復種生取枝一一滅之如是葉實枝滅盡了賜但有根根者爲譬如本願一意所起本罪意譬如樹根葉葉生當復滅之不滅者當長養實復生滅者不復生菩薩守意譬如守樹根不得使樹枝葉實生生爲增當來罪滅者爲不增當來罪爲滅本罪如是菩薩本罪未盡者常當念百八不捨盡諸菩薩稽首言願佛爲我解我不解佛言不捨盡心有所念生念還盡百八便盡是爲不捨盡

轉入意意生念還盡百八盡是爲不捨盡轉入識識生念還盡百八便盡是爲不捨盡轉入眼眼所見好色念還盡百八便盡是爲不捨盡眼所見中色念還盡百八便盡是爲不捨盡眼所見惡色念還盡百八便盡是爲不捨盡轉入耳耳所聞好聲念還盡百八便盡是爲不捨盡耳所聞中聲念還盡百八便盡是爲不捨盡耳所聞惡聲念還盡百八便盡是爲不捨盡轉入鼻鼻所聞好香念還盡百八便盡是爲不捨盡鼻所聞中香念還盡百八便盡是爲不捨盡鼻所聞惡臭念還盡百八便盡是爲不捨盡轉入口口所得美味好語言念還盡百八便盡是爲不捨盡口所得中味中語言念還盡百八便盡是爲不捨盡口所得惡味惡語言念還盡百八便盡是爲

不捨盡轉入身身所得好細軟可身念還盡
百八便盡是爲不捨盡身所得中細軟念還
盡百八便盡是爲不捨盡身所得惡麤堅苦
痛不可身念還盡百八便盡是爲不捨盡如
是菩薩不捨盡便入百八淨佛說如是諸菩

結六

薩皆歡喜稽首受行諸菩薩復稽首問佛言
爲何等爲百八淨佛言若有菩薩心起生出
念即還入滅爲入淨爲滅百八不捨淨轉入
意意生出即還入滅淨爲滅百八不捨淨轉
入識識生出即還入滅淨爲滅百八不捨淨
轉入眼眼所見好色生出即還入滅淨爲滅
百八不捨淨眼所見中色生出即還入滅淨
爲入淨爲滅百八不捨淨眼所見惡色生出
即還入滅淨爲入淨爲滅百八不捨淨轉入
耳耳所聞好聲生出即還入滅爲入淨爲滅

百八不捨淨耳所聞中聲生出即還入滅爲
入淨爲滅百八不捨淨耳所聞惡聲生出即
還入滅爲入淨爲滅百八不捨淨轉入鼻鼻
所聞好香生出即還入滅爲入淨爲滅百八
不捨淨鼻所得中香生出即還入滅爲入淨
爲滅百八不捨淨鼻所聞惡臭生出即還入
滅淨爲滅百八不捨淨轉入口口所得美味
好語言生出即還入滅爲入淨爲滅百八不
捨淨口所得中味中語言生出即還入滅爲
入淨爲滅百八不捨淨口所得惡味惡語言
生出即還入滅爲入淨爲滅百八不捨淨轉
入身身所得好細軟可身生出即還入滅爲
入淨爲滅百八不捨淨身所得中細軟生出
即還入滅爲入淨爲滅百八不捨淨身所得
惡麤堅苦痛不可身生即還入滅爲入淨爲

結六

九

減百八不捨淨菩薩行如是不捨淨便能精
還百八應戒佛說如是諸菩薩皆歡喜受行
諸菩薩復稽首問佛言何等精還百八應戒
佛言諸菩薩行道心起即精還減百八為還
應戒轉入意意生即精還減百八為還應戒
轉入識識生即精還減百八為還應戒轉入
眼眼所見好色生即精還減百八為還應戒
眼所見中色生即精還減百八為還應戒眼
所見惡色生即精還減百八為還應戒轉入
耳耳所聞好聲生即精還減百八為還應戒
耳所聞中聲生即精還減百八為還應戒耳
所聞惡聲生即精還減百八為還應戒轉入
鼻鼻所聞好香生即精還減百八為還應戒
鼻所聞中香生即精還減百八為還應戒鼻
所聞惡臭生即精還減百八為還應戒轉入

口口所得美味好語言生即精還減百八為
還應戒口所得中味中語言生即精還減百
八為還應戒口所得惡味惡語言生即精還
減百八為還應戒轉入身身所得好細軟可
身生即精還減百八為還應戒身所得中細
軟生即精還減百八為還應戒身所得惡麤
堅苦痛不可身生即精還減百八為還應戒
佛說如是諸菩薩皆歡喜受行佛言諸菩薩
以精還應戒便進行入道諸菩薩問佛言何
等為精還戒便進行入道佛言菩薩心有所
念從心盡力盡熱六所念減百八是為進行入道
轉入意意有所念從意盡力盡所念減百八
是為進行入道轉入識識有所識從識盡力
盡所識減百八是為進行入道轉入眼眼所
見好色從好色盡力盡好色減百八是為進

行入道眼所見中色從中色盡力盡中色滅百八是爲進行入道眼所見惡色從惡色盡力盡惡色滅百八是爲進行入道轉入耳耳所聞好聲從好聲盡力盡好聲滅百八是爲進行入道耳所聞中聲從中聲盡力盡中聲滅百八是爲進行入道耳所聞惡聲從惡聲盡力盡惡聲滅百八是爲進行入道轉入鼻鼻所聞好香從好香盡力盡好香滅百八是爲進行入道鼻所聞中香從中香盡力盡中香滅百八是爲進行入道鼻所聞惡臭從惡臭盡力盡惡臭滅百八是爲進行入道轉入口口所得美味好語言從美味好語言盡力盡美味好語言滅百八是爲進行入道口所得中味中語言從中味中語言盡力盡中味中語言滅百八是爲進行入道口所得惡味

惡語言從惡味惡語言盡力盡惡味惡語言滅百八是爲進行入道轉入身身所得好細軟可身從好細軟可身盡力盡好細軟可身滅百八是爲進行入道身所得中細軟從中細軟盡力盡中細軟滅百八是爲進行入道身所得惡麤堅苦痛不可身從惡麤堅苦痛不可身盡力盡惡麤堅苦痛不可身滅百八是爲進行入道佛言進行入道便能忍持行戒諸菩薩問佛言何等爲忍持行戒佛言菩薩已能當能忍持戒不離戒如是乃應菩薩行菩薩心動當忍百八不得令轉是爲忍心忍行戒轉入意意有所念當從意忍不得令轉百八便不得行是爲忍行戒轉入識識有所識當從識忍不得令轉百八便不得行是爲忍識忍行戒轉入眼眼所見好色從好色

當忍不得令轉百八便不得行是爲忍好色
忍行戒眼所見中色從中色當忍不得令轉
百八便不得行是爲忍中色忍行戒眼所見
惡色從惡色當忍不得令轉百八便不得行
是爲忍惡色忍行戒轉入耳耳所聞好聲從
好聲當忍不得令轉百八便不得行是爲忍
好聲忍行戒耳所聞中聲從中聲當忍不得
令轉百八便不得行是爲忍中聲忍行戒耳
所聞惡聲從惡聲當忍不得令轉百八便不
得行是爲忍惡聲忍行戒轉入鼻鼻所聞好
香從好香當忍不得令轉百八便不得行是
爲忍好香忍行戒鼻所聞中香從中香當忍
不得令轉百八便不得行是爲忍中香忍行
戒鼻所聞惡臭從惡臭當忍不得令轉百八
便不得行是爲忍惡臭忍行戒轉入口口所

杜六

十二

得美味好語言當忍不得令轉百八便不得
行是爲美味好語言忍行戒口所得中味中
語言從中味中語言當忍不得令轉百八便
不得行是爲忍中味中語言忍行戒口所得
惡味惡語言當忍不得令轉百八便不得行
是爲忍惡味惡語言忍行戒轉入身身所得
好細軟可身從好細軟可身當忍不得令轉
百八便不得行是爲忍好細軟可身忍行戒
身所得中細軟從中細軟當忍不得令轉百
八便不得行是爲忍中細軟忍行戒身所得
惡麤堅苦痛不可身從惡麤堅苦痛不可身
當忍不得令轉百八便不得行是爲惡麤堅
苦痛不可身忍行戒佛言是爲菩薩二十校
計佛言菩薩復有十校計諸菩薩稽首佛問
何等爲十校計佛言菩薩當能耐辱能耐辱

便入道諸菩薩問佛何等爲耐辱入道佛言
菩薩心有所念當辱心不得令念便辱百八
罪不得勝是爲辱心入道轉入意意有所念
當辱意不得令念便辱百八罪不得勝是爲
辱意入道轉入識識有所念當辱識不得令

然六

念便辱百八罪不得勝是爲辱識入道轉入
眼眼所見好色當辱好色不得令念便辱百
八不得勝是爲辱好色入道眼所見中色當
辱中色不得令念便辱百八不得勝是爲辱
中色入道眼所見惡色當辱惡色不得令念
便辱百八不得勝是爲辱惡色入道轉入耳
耳所聞好聲當辱好聲不得令念便辱百八
不得勝是爲辱好聲入道耳所聞中聲當辱
中聲不得令念便辱百八不得勝是爲辱中
聲入道耳所聞惡聲當辱惡聲不得令念便

辱百八不得勝是爲辱惡聲入道轉入鼻鼻
所聞好香當辱好香不得令念便辱百八不
得勝是爲辱好香入道鼻所聞中香當辱中
香不得令念便辱百八不得勝是爲辱中香
入道鼻所聞惡臭當辱惡臭不得令念便辱
百八不得勝是爲辱惡臭入道轉入口口所
得美味好語言當辱美味好語言不得令念
便辱百八不得勝是爲辱美味好語言入道
口所得中味中語言當辱中味中語言不得
令念便辱百八不得勝是爲辱中味中語言
入道口所得惡味惡語言不得令念便辱百
八不得勝是爲辱惡味惡語言入道轉入身
身所得好細軟可身當辱好細軟可身不得
令念便辱百八不得勝是爲辱細軟可身入
道身所得中細軟當辱中細軟不得令念便

辱百八不得勝是爲辱中細輒入道身所得
惡羸堅苦痛不可身當辱惡羸堅苦痛不可
身不得令念便辱百八不得勝是爲辱惡羸
堅苦痛不可身入道佛言菩薩行如是爲應
菩薩忍辱戒行菩薩已忍辱便得百八合道
願便得百八結六本信入道便得百八十四出癡入慧
便得百八歡喜還滅便得百八佛悲心便得
百八未得佛道愁何等爲百八佛悲心何等
爲百八未得佛道愁謂菩薩得佛悲心念十
方泥犁中人難得度脫謂菩薩得佛悲心念
禽獸蝮飛蠕動難得度脫謂菩薩得佛悲心
念薜荔中餓鬼難得度脫謂菩薩得佛悲心
念二十八天及諸天長壽驕樂不知苦集難
得度脫菩薩得佛悲心念世間帝王豪貴難
得度脫謂菩薩得佛悲心念世間癡人不解

難得度脫謂菩薩得佛悲心念世間人多癡
難得度脫謂菩薩得佛悲心念十方五道一
切五道一切同法難得度脫如是菩薩爲得
佛悲心便得佛愁謂菩薩念十方五道勤苦
難得度脫愁菩薩已悲已愁百八愛復增多
如是菩薩不可用百八愛增多故不悲愁佛
言我但用十方五道勤苦悲愁故得佛是爲
菩薩未得佛百八悲是爲菩薩未得佛百八
愁佛言復有菩薩未得佛百八惱諸菩薩問
佛言何等爲菩薩百八惱佛言謂菩薩未得
佛見十方泥犁中人拷掠毒痛欲往度脫不
能度脫便生惱謂菩薩未得佛見禽獸蝮飛
蠕動及人民轉相拷掠毒痛相殺菩薩欲度
不能度便生惱謂菩薩未得佛見薜荔餓鬼
無所食欲度不能度便生惱謂菩薩未得作

佛見世間人所作惡貪婬瞋恚烹殺祠祀貪利強盜快心恣意見是曹人死生五道苦痛無有斷絕雖上爲諸天無有別異要五道死生苦痛便不時得佛便生惱便增盛百八愛行是爲菩薩未得佛百八惱謂菩薩未得佛經要百八點未得佛泥洹要諸菩薩復問佛何等爲百八得佛經點佛言謂菩薩能自護六情百八不行爲得佛經點何等爲未得佛泥洹要佛言謂菩薩未得佛未得入泥洹要佛言菩薩當校計百八出罪要便得入泥洹要菩薩復問佛言何等爲出罪要便得入泥洹要佛言謂菩薩所念爲罪出要當滅滅者爲得入泥洹要一切六情百八滅亦爲入泥洹要是爲菩薩出百八罪入泥洹要是爲菩薩三十校計佛言菩薩復有十校計第一菩

薩相聚會但當校計百八當令盡當求入慧出罪便應菩薩法二者當校計菩薩百八求入空法便出罪空法是爲菩薩百八校計出罪入道空三者菩薩當校計百八罪法初起空生時當知校計滅歸空時是爲菩薩校計百八生滅爲合空以知生滅是爲菩薩諦校計四者菩薩當校計百八持空法解盡法諸菩薩復問佛何等爲持空法解盡法佛言菩薩一切知十方所有本末皆空已知空知所有當復滅盡菩薩知盡以爲諦即不復貪百八不復行著欲菩薩能自解常知盡是爲菩薩校計持空法解盡法是爲菩薩校計百八解盡應法五者菩薩當校計百八盡法不復生已知不復生是爲菩薩校計盡法不復生已知不復生法六者菩薩當校計百八盡當

得泥洹長生不復滅不死菩薩得是校計自知若是爲菩薩法知泥洹樂校計法七者菩薩當校計知百八盡泥洹念是爲菩薩知泥洹校計相念八者菩薩當校計百八滅盡捨相念不復念是爲菩薩百八捨相念不復念校計九者菩薩當校計所念不盡便生雜相念以知雜相念當校計泥洹無所有何以故復有雜相念當復滅是爲菩薩知雜相念校計十者菩薩當校計自知滅無所有長受泥洹相泥洹長生不復滅是爲菩薩校計受泥洹相是爲菩薩四十校計佛言菩薩復有十校計諸菩薩問佛何等爲菩薩十校計佛言一者菩薩自知百八罪亦當爲十方人說百八罪亦當爲人說十方生死五道苦痛常當爲十方人說萬物成敗本末生死無所有是

卷六

十七

爲菩薩一校計二者菩薩當校計十方成敗牽證用示人是爲菩薩牽證校計解人法三者菩薩當校計十方人所有皆坐貪故著以貪著皆爲癡菩薩當爲人解貪著解人癡菩薩亦當持貪癡還自況我未知菩薩道時貪癡亦劇是菩薩得是校計常當慈心解人貪癡是爲菩薩校計四者菩薩當校計百八牽十方癡人作證諸菩薩復問佛何等爲牽十方癡人作證佛言十方人所念皆坐百八癡故菩薩去百八癡乃爲不癡菩薩失行百八行便爲癡常當牽十方癡人作證不得失行是爲菩薩校計法五者菩薩當復校計百八牽十方阿羅漢作證者諸菩薩言復校計百八牽阿羅漢作證云何佛言菩薩失行但坐貪著故常牽阿羅漢泥洹去無所有我

何爲所念失行何爲當坐是苦所念牽阿羅漢泥洹常作證是爲菩薩校計法六者若復失行當校計百八牽辟支佛泥洹無所有作證是爲菩薩校計法七者菩薩若失行當復校計百八無所有當牽十方過去佛泥洹無所有十方過去佛皆我師皆取泥洹去我何爲失行行在世間菩薩已牽證便還攝行是爲菩薩牽證校計法八者菩薩復失行當復牽現在十方佛亦當泥洹去常當牽自證已自證當即還行是爲菩薩百八牽證還行校計法九者菩薩當校計百八復失行佛言我今作釋迦文佛我所主天地帝王人民皆屬我自在飛行大威神我要般泥洹去歸無所有常當牽我作證常當堅意求佛持我作證意不轉轉者爲失行便墮盛百八愛行中是

爲菩薩校計十者菩薩常當盡力却貪令不得受求受求者爲不應菩薩菩薩諦分別思惟我所校計是爲菩薩五十校計佛言諸菩薩行安般守意常苦失行無有不失行時諸菩薩問佛何以故我曹作菩薩常苦失行佛言菩薩不厭生死苦集故不自覺生死集故不諦知生死盡無所有不諦知有佛泥洹道故佛言諸菩薩不可自用作菩薩道故功高勝十方人佛言未得佛生死苦集未與盡合未與道合常有身體苦痛亦有寒熱苦亦有飢渴苦惱不能斷如是菩薩未可自怙其善佛言我未得佛時自謂智慧無能及者自謂知禪無能及者自謂知細微滅心無有及者佛言我已立身作釋迦文佛還自校計作菩薩時所知譬如一菩薩智今已作佛有所知

譬如十方佛國中所有萬物菩薩佛言十方
佛所有菩薩智慧未能得一方佛一小塵智
諸菩薩即稽首問佛言我曹癡何以多不能
及佛一塵智佛言用汝不厭生死苦集故不
早取佛故不知細微意故不知滅本斷根故
汝曹盡力精進行亦當知十方佛智慧諸菩
薩問佛我何因緣生死多如是佛言汝曹不
諦行安般守意三十七品經十二門三向中
微意不知分別校計生死百八中細微意故
使生死多難得佛言汝心未起時中有五
百四十百八愛行心轉作意中有五百四十
百八愛行意轉作識中有五百四十百八愛
行轉入眼眼所見好色中有五百四十百八
愛行眼所見中色中有五百四十百八愛行
眼所見惡色中有五百四十百八愛行轉入

耳耳所聞好聲中有五百四十百八愛行耳
所聞中聲中有五百四十百八愛行耳所聞
惡聲中有五百四十百八愛行轉入鼻鼻所
聞好香中有五百四十百八愛行鼻所聞中
香中有五百四十百八愛行鼻所聞惡臭中
有五百四十百八愛行轉入口口所得好味
美好語言中有五百四十百八愛行口所得
中味中語言中有五百四十百八愛行口所
得惡味惡語言中有五百四十百八愛行轉
入身身所得好細軟可身中有五百四十百
八愛行身所得中細軟中有五百四十百八
愛行身所得惡麤堅苦痛不可身中有五百
四十百八愛行佛言一心中有五百四十百
八愛行五百四十百八愛行中一愛者當受
一生死一受者當受一身如是不盡五百四

十爲受五百四十生死身意亦爾識亦爾好
色亦爾中色亦爾惡色亦爾好聲亦爾中聲
亦爾惡聲亦爾好香亦爾中香亦爾惡臭亦
爾美味好語言亦爾中味中語言亦爾惡味
惡語言亦爾好細軟可身亦爾中細軟亦爾
惡麤堅苦痛不可身亦爾佛問諸菩薩寧知
是不諸菩薩言聞佛說皆知佛言諸菩薩汝
曹寧信有是無諸菩薩言信有是衆不疑但
不解佛問諸菩薩汝造發起來至我所寧知
汝意中幾轉汝聞我造說經以來知汝意幾
轉諸菩薩報佛言不知幾轉佛問諸菩薩何
以故不知幾轉諸菩薩言我聞佛說經歡喜
不知覺幾轉佛言汝造來至今不覺意轉墮
生死譬如摩竭國中塵不知多少菩薩但
坐失行不自知覺生死多少是故不即時得

佛諸菩薩各各稽首歡喜受行諸菩薩各各
稽首言未聞佛五十校計時自用不失行聞
佛解五十校計自知失行佛言汝亦失行亦
不失行菩薩復問何以失行亦不失行佛言
汝至十方佛前自貢高自譽言我解無有是
五十校計罪便墮罪失行是爲亦失行佛言
不失行者菩薩至十方佛前常當自慙身體
自慙生死自慙意墮罪不能校計知當持五
十校計還自慙是爲菩薩不失行不自慙者
常失行佛說如是諸菩薩各各自慙各各自
悔各各自念滅盡非常若空非身諸菩薩聞
經皆大歡喜前爲佛作禮頭面著佛足受行
而去

佛說明度五十校計經卷下

音釋

蛸烏玄切蠕而充切拷拷掠切掠苦浩切打打也
薛小飛也語具云薛荔多此蒲蒲計切荔荔郎計切即即計切熾熾灼切